





ORDINIS JURIDICI

IN

ACADEMIA CHRISTIAN-ALBERTINA

b. t. DECANVS

FRIDRICH GOTTLIEB  
STRUVE, D.

REGIÆ CELSITVDINIS SLESVICO HOLSATICÆ CONSILIA-  
RIVS, JURIS CANONICI, PANDECTARVM AC PRAXEOS  
PROFESSOR ORDINARIVS,

DISPVATIONEM INAUGVRALEM

VIRI PRÆNOBILISSIMI AC CONSVLTISSIMI

GEORGII FRIDERICI JASTERI,  
ELECTORALIS DICASTERII HILDESIENSIS  
ADVOCATI,

DE

APPELLATIONE AB EXE-  
CVTIONE REI IVDICATÆ

PRO GRADV DOCTORALI ET SVMMIS IN  
VTROQVE IURE HONORIBVS AC PRIVILEGIIS  
OBTINENDIS

AD DIEM II. AVGVST. ANNO M DCC XXVII.

HORIS LOCO QVE CONSVETIS

SOLENNITER HABENDAM

PRAEVIÀ DECENTI INVITATIONE INDICIT.

*de executione citra processum.*

KILONII,

LITTERIS JO. CHRISTOPHORI REVTHERI, ACAD. TYPOGR.

49. 26

1727,5



Paradoxon quidem juris esse videtur, *Executionem* *citra processum* asserere; cum naturalis & civilis ratio præcipiat, ut, antequam executio fiat, præcedat legitima causæ cognitio, feratur sententia condemnatoria, & tunc demum ad iudicati executionem perveniatur. *tt. Cod. de rei jud. execut.*

Attamen potest aliquando evenire, *licite ac jure* executionem fieri, sine prævio processu, imo quandoque *necessarium* esse, sine strepitu forensi, ac sine servato ordine iudiciario, ad finem intentionis suæ & vindicias competentis sui juris procedere.

Justissima siquidem est *parata executio*, absque ambiguis causarum processibus, quando id, in causis *celerrima expeditionis*, statutum aut consuetudo fori recipit, vel debitoris voluntas & conventio tribuit, aut causa omnino liquida, aut possessionis vel detentionis clypeus suffragatur, vel quando retorsio taliove ob denegatam justitiam facti modos porrigit. Præterea etiam necessaria est parata executio sine prævia solennitate processus, si vel ob moram, vel ob malitiam, ob præsentem sive metuendam fugam aut debitoris inopiam, vel etiam ob armorum turbarumve inter contendentes formidinem prævenienda sunt damna aut mala, quibus post vulneratam causam frustra quærerentur remedia; Uti bene monet Mevius de *Arrest. Cap. 1. num. 4. 5. 6.*

Exempla hujus executionis specialia contingunt, tam circa personas quam circa res, in causis non minus civilibus quam criminalibus, tam in iudicio tam extra iudicium, pro diversa nimirum actuum ac circumstantiarum qualitate.

Notabile, quoad iudicium, exemplum ponit Carpzovius *Parv. 1. Const. 16. def. 28.* in eo, qui in conspectu iudicis, pro tribunali sedentis delinquit, potest enim iudex tale delictum, se præsentem commissum, absque omni ulteriori processu coercere, atque injuriam forte in iudicio sibi, tanquam iudici, illatam in continenti vindicare, arrestatione, multæ dictione vel aliis modis.

Huic proximum est illud, quo tradunt Ddres: *Quod in notorio*  
omnis

omnis solemnitas juris communis habeatur remissa, ita, ut conveniat judici, magis *exequi* quam *cognoscere*, & ita paratissimo auxilio justitiam adjuvare Gail. *Lib. I. Obs. 39. num. 3.* Idque pariter in criminalibus procedere, declarat Pontifex in *cap. 9. X. de accusat.* ibi: *Evidentia parati sceleris non indiget clamore accusatoris.* Quod etiam innuit Ambrosii dictum apud Gratianum in *can. 15. Caus. II. Quæst. I.* verb. *Manifesta accusatione non indigent.* 'Add. *cap. 17. eod.*

Permittitur autem tale genus executionis vel circa *personas* vel circa *res*. Illud contingit in ejusmodi casibus, quando ob *notorietatem facti* vel ad *præcavendum reip. periculum*, vel ob aliam justam causam cuilibet privato exercitium publica vindicta ac protectio salutis publica committitur, uti recte notat Grot. de *Jur. Bell. & Pac. Lib. II. cap. 20. §. 17.* Rationem hujus asserti optime expendit Henniges in *Nor. ad Grot. d. l.* verb. *Possunt sane quandoque, utilitate publica sic suadente, etiam privati executores justitiæ dari, neque has leges injuriam continere arbitror. Non videtur legislator, dum marito & patri adulterum occidere permittit, soli eorum dolori indulgere, sed & eadem constituere ad exequendum homines maleficos, qui sceleribus pœnam & supplicium ultimum commeruere. Idem dicendum de militibus popularibus: Si queris, quanam inde utilitas in publicum redundatura sit, respondeo, vix quenquam adeo mitis & mansueti ingenii esse posse, ut ab adultero cum uxore vel filia deprehenso manus absterneat. Quare ne hoc modo peccet, sibi arrogando, quod publico ordini debetur, constituitur a republica executor adulteri, & sic non suo nomine, sed permissi & auctoritate publica occidit.*

Hoc ipsum vero jus permissæ private executionis sine processu fit *capiendo*, *arrestando* aut etiam *occidendo* personam in actu ipso sive *flagranti* ut vocant, deprehensam; & quidem in *continenti*. Uti de jure occidendi adulterum & filiam adulterantem permissio extat Lex Julia, & notat l. 23. §. 4. ff. ad *Leg. Jul. de adult.* ibi: *Quod ait Lex in continenti filiam occidat, sic erit accipiendum, ne occiso hodie adultero, reseruet & post diu filiam occidat: vel contra, debet enim prope unum & uno impetu utramque occidere.* Pariter & mariti jus occiden-

di adulterum restringitur ad hoc tempus, quo ipsum in actu ipso deprehendit, ita ut possit occidere *statim* sine implorato magistratus auxilio, aut habita ulteriori causæ cognitione *l. 24. ad Leg. Jul. de adult.* Conf. Mæstert. de *Justit. Leg. Rom. Lib. II. dubit. 13.*

Similem speciem *paratissima executionis citra processum* deprehendere licet circa personam *transfuge*, juxta *l. 3. §. ult. ff. de sicar.* Idem jus in *militia desertorem & nocturnos agrorum populatores*, & quidem *illico ac velociter* exercendum privatis pariter ac magistratui committitur per *l. 1. Cod. Quand. lic. unic. sin. jud.* ibi: *Liberam refrendi cunctis tribuimus facultatem & quicumque militum vel privatorum ad agros nocturnus populator intraverit, aut itinera frequentata infidiis aggressione objecerit, permessa cuicumque licentia, digno illico supplicio subjugatur, ac mortem, quam minabatur, excipiat, & id, quod intendebat, incurrat. Melius enim est, occurrere in tempore, quam post exitum vindicare.* Nimirum est illa publica ultio pro salutis communis quiete indulta, uti loquitur *l. 2. Cod. d. t.* Nec enim certe magis quidquam potest refrænare improborum hominum licentiam, quam si sciant, se cum suis ausibus paratam habere conjunctam vindictam, cum e contrario, longinquæ poenæ executio, spem ipsis elabendi & frustrandi iudices, eosdemque ita magis audaces atque effrenes faciat. Add. Struv. de *Vind. priv. Cap. II. & seqq.*

Nec tantum *salutis publicæ ratio* talem executionem sine prævio processu permittit. Verum etiam *privati juris commoda* tale quid quandoque concedunt, si forte iudicis copia haberi non possit, & quis in periculo amittendæ rei suæ versetur. Insigne hujus exemplum exhibet *l. 10. §. 16. ff. de his qu. in fraud. Cred.* ubi creditori permittitur debitorem cum pecuniis aufugientem persequi, eidemque debitum suum, modo sit verum ac liquidum, propria auctoritate, citra implorationem iudicis aut processum auferre, adeo, ut propterea in poenam *L. Exrat. 13. ff. quod met. caus.* non incidat. Potest enim recte cum Cujacio dici; *Creditorem, tali casu, magis necessario quam libenter, magis coactè quam civiliter vim fecisse.* *Lib. XVI. Obs. 19.* Conf. Hillig. in *Donell. Lib. XVII. Cap. 2. Litt. N.*

Uti

Uti circa Personas, ita multo magis circa Res licet quandoque ad executionem procedere sine processu, ita nimirum ut pro *tuenda ac defendenda rerum ac jurium nostrorum possessione*, possimus, non implorato iudice, citra præcedentem cognitionem aut expectatam iudicis iussionem; *in continenti*, illum, qui nos prius de possessione expulit, rursus deicere, & possessionem ablatam recuperare. In quam rem loquitur clarus textus in *l. 3. §. 9. ff. de vi & vi arm.* ibi: *Eum, qui cum armis venit, possumus armis repellere, sed hoc confestim non ex intervallo, dummodo sciamus, non solum resistere permissum, ne deiciatur, sed etsi dejectus quis fuerit, eundem deicere, non ex intervallo, sed in continenti.* Cujus decisionis ratio redditur in *l. 17. ff. d. t.* Quia, qui possessionem vi creptam in ipso congressu recuperat, in pristinam causam reverti potius, quam vi possidere intelligendus est: Cum quo etiam concordat placitum Juris Canonici in *cap. 12. X. de restitut. spoliat.*

Ex pari defensionis jure fluit etiam illud; *Quod, si quid in nostro vi aut clam fuerit positum, possim idem, non expectata iudicis sententia, illud rursus vi aut clam destruere, juxta l. 7. §. 3. ff. Quod vi aut clam.* Referri quoque huc potest; *Quod si quis in meo fundo, citra servitutum foderit aqua ductum, propria auctoritate illum intercidere possum, ita ut non opus habeam prius interdicto experiri l. 29. §. 1. ff. ad Leg. Aquil.* Add. Speckhahn *Cent. III. Class. 3. quest. 23. num. 38.*

Non minus etiam *privata conventionione* facultas exequendi & capiendi jus, quod sibi debetur, concedi potest; Cujus insigne est exemplum in *pacto*, quod vocatur *embateviticum*, in *l. 3. §. 4. ff. de reb. eor. qui sub tut.* quo debitor creditori suo licentiam tribuit, in casu non factæ solutionis, bona debitoris istius propria auctoritate ingrediendi, juxta *l. 3. Cod. de pignor. it. l. pen. Cod. de pignor. act.* Neque tale pactum honestati aut æquitati repugnat, cum ad majorem creditoris securitatem & compellendum magis debitorem, ac servandam contractus fidem referatur. Uti enim nemini interdictum est, sponte de possessione sua cedere, eandemque in alterum transferre, ita pariter nec tale pactum, ad facilitandam talem translationem adjectum improbari potest. *Coler. de Proc. Execut. Part. I. cap. 5.*

Pariter in casibus successio-  
num atque ultimæ voluntatis, non  
tantum hæredi sive ab intestato, sive ex testamento, tam directo  
quam fideicommissario permissum est, propria autoritate possessionem  
hæreditatis sibi delatæ vacuam occupare Menoch. *Remed. 6. A-*  
*dipisc. poss. num. 4. & seqq.* Verum etiam ultima voluntate recte testa-  
tor concedit licentiam capiendi legatum propria autoritate, & potest  
*tunc legatarius non expetito decreto magistratus exequi illam testatoris*  
*voluntatem & capere rem sibi relictam.* quam alias ex manu hæredis  
accipere debuisset. Id quod ad analogiam veteris juris inductam,  
quo in legatis per *vindicationem* relictis licitum erat legatario propria  
autoritate rem sibi legatam occupare, non expectato hærede, teste  
Cajo *Lib. II. Instit. tit. 5. §. 1.* Add. potest Frantz. *Exercit. Juslin. Ex. VII.*  
*Quæst. 2.*

Speciem denique *imaginariæ* alicujus executionis, sine prævio pro-  
cessu factæ continet *compensatio* & omnis ex justa & legitima causa pro-  
veniens rei retentio, quo modo quis illud per modum *exceptionis*  
potest consequi, quod alias jure *actionis* petere potuisset. Vid. Schie-  
ferdegher ad *Ant. Fabr. Tr. 1. & II. Quæst. 1. & seqq.*


Hujus meditationis ansam dedit Præ-Clarissimus Candidatus Do-  
minus GEORGIUS FRIDERICUS JASTERUS, Electoralis Dicastrii  
Hildesienfis Advocatus, de cujus proinde natalibus, vita ac studiis ad-  
huc quadam, recepto more Academico, subjicienda sunt.

Natus est is Hildesie die sexto April. Anno millesimo sexcentese-  
mo, nonagesimo nono. Patrem habet Virum nobilissimum ac spe-  
tatissimum Dnum *Jonam Jasterum*, Rei monetalis, amplissimæ Ci-  
vitatæ Hildesienfis, Præfectum. Matrem vero, *Catharinam Elisabe-*  
*tham Harbordrem*, matronam, honestatis laude & rei familiaris cura  
insignem. Quorum utriusque Parentes avi ac proavi, in summæ  
dignitatis officiis rei militaris ac metallariæ, per continuam seculi  
seriem constituti fuerunt. Ab his proinde optimæ notæ ac familiæ  
Parentibus noster Candidatus a prima statim juventute illis pietatis  
principiis ac litterarum disciplinis est imbutus, quibus, pro cultura  
felicissimi sui ingenij, debuit. Admissus deinde ad Gymnasium An-  
dræ-



draeanum, quod Hildesiae hucusque florentissimum extitit, sub Episcopatu Viri amplissimi ac Reverendi Dni Superintendentis, *Niecamp* beatæ memoriæ, & sub informatione celeberrimi Viri *Lesii*, Gymnasii illius Directoris, adjuncta sedula industria Dni *Panzeri*, Rectoris fidelissimi, studia scholastica omni assiduitate tractavit; Iisdemque Viris præeuntibus, postquam Gymnasio valedixisset, adhuc nonnulla Collegia privatissima habuit, eorundemque studio se multum profecisse testatur. Post hæc a Viro Consultissimo Dno *Borcheri*, Advocato & Commissario Monetario meritissimo, Cognato suo in æternum colendo, privatissimas Lectiones ad Instituta Juris, summo cum fructu, se percepisse, grata recordatione memorat, & per hunc ad Studia Academica optime fuit præparatus. Inde ad Academiam Jenensem discessit, ibidemque in *Jure Naturæ* Nobilissimum quondam Juris Doctorem *Pragemannum*, dein Celeberrimum Professore *Lebmannum* Puffendorhium de Officio Hominis & Civis explicantem sedulo audivit. Porro in *Institutis* Consultissimum Dnum *Dithmarum*; In *Jurisprudentiæ Struviana*, ut vocant, *minori*, Dnum Doctorem *Dresselium*, Virum Præ-Nobilissimum, Doctores ac Præceptores fidelissimos habuit. Pariter ad *Pandectas* memorati *Pragemanni*; Et denique in *Philosophiæ scientiis* manu ductione Celeberrimi Viri Dni Professoris *Rusii* usus fuit. Exantlato ita studiorum cursu per aliquot annos, in patriam reversus noster Candidatus, & per integrum annum ibi commoratus fuit, & ne tempus per otium transigeret, præter repetitiones privatas Lectionum Jenensium, denuo prælaudati Dni *Borcheri* utilissima sibi informatione ulterius profecit, eundemque *Lauterbachium*, annotationibus practicis illustrantem audivit. Inde Halam petiit, & ibidem Doctores nactus fuit, Virum illustrem *Bohmerum*, Regiæ Majestatis Borussiae Consiliarium intimum, Professore Academiae *Friedericianæ* longe celeberrimum, cujus Scholas *Juris Canonici ad Corvinum* nec non ad *Jus Digestorum* multo cum fructu frequentavit. Adjunxit Collegium ad *Strykii Examen Juris Feudalis*, præeunte Generoso ac illustri Viro de *Ludewig*, Reg. Majestatis Borussiae Consiliario intimo, Cancellario & Professore laude ac gloria insigni. Denique *Juris publici* præcepta, præeunte Dno *Gundlingio*, pariter Regiæ Majestatis Borussiae Consiliario intimo, & Professore celeberrimo, ad *Cocceji Jurisprudentiam* percepit. Absoluto ita feliciter studiorum suorum cursu, noster Candidatus rursus in patriam rediit, & ibidem in *Praxi* institutus fuit a beatæ memoriæ Præ-Nobilissimo Viro Dno *D. Martino Schrodero*,

dero, tunc temporis Syndico Hildesiensi & Assessore Judicii Aulici Zellensis gravissimo; Eiusdemque institutiones practicas, optimo successu in sua patria profectus est, manum ipsam admovento, ac in foro quotidie versando, consulendo pariter atque advocando partibus adfistens. Post hæc, per aliquod tempus, in Residentia Episcopali Eutinenfi, nec non in Civitate Goslariensi substitit, ibidemque variis negotiis tum publicis tum privatis interfuit, suamque industriam & ingenii capacitatem exercuit; imprimis stylum forensem Judiciorum metallicorum in illis locis usitatum inspiciens. Per idem etiam tempus *Matricule Kiloniensi* inscriptus, semper propenso quodam affectu Academiam nostram in oculis habuit. Reperiit dein patrios Lares, totumque se Vitæ practicæ addixit, causasque forenses felici pertractavit successu. Hisce proinde præmunitus noster Candidatus dignissimus, nostram adiit Facultatem, modeste expetens, præmium suæ diligentiae, & publicum eruditionis ornamentum. Inde ad consueta examina admissus se dignum infula doctorali probavit. Atque idcirco ad diem 2. Aug. a. c. sub præsidio meo Disputationem inauguralem de *Appellatione ab executione rei judicate* publice ventilandam proponet. Quem actum solennem, ut Magnificus Dnus Pro-Rector, Dn Pro-Cancellarius; Perillustres ac generosissimi Mæcenates ac Patroni, Proceres Academiæ conjunctissimi, omnesque Cives Academici ac litterarum fautores, nec non flos studiosæ Juventutis sua præsentia splendidiorem reddere velint, omni observantiæ cultu obnixè rogo. P. P. Kilon. die 27. Jul. M DCC XXVII.



ULB Halle  
004 367 324

3







ORDINIS JURIDICI  
IN  
ACADEMIA CHRISTIAN-ALBERTINA  
*b. t. DECANVS*  
FRIDRICH GOTTLIEB  
STRUVE, D.

49. 26  
1727, 5

REGLE CELSITVDINIS SLESVICO HOLSATICÆ CONSILIA-  
RIVS, JURIS CANONICI, PANDECTARVM AC PRAXEOS  
PROFESSOR ORDINARIVS,

DISVVTATIONEM INAUGVRALEM  
*VIRI PRÆNOBILISSIMI AC CONSVLTISSIMI*  
GEORGHII FRIDERICI JASTERI,  
ELECTORALIS DICASTERII HILDESIENSIS  
ADVOCATI,

DE  
APPELLATIONE AB EXE-  
CVTIONE REI IVDICATÆ  
PRO GRADV DOCTORALI ET SVMMIS IN  
VTROQVE JVRE HONORIBVS AC PRIVILEGIIS  
OBTINENDIS

AD DIEM II. AVGVST. ANNO M DCC XXVII.

HORIS LOCO QVE CONSVETIS  
SOLENNITER HABENDAM

PRAEVIÀ DECENTI INVITATIONE INDICIT.

*de executione citra praesens.*

KILONII,  
LAEETERIS JO. CHRISTOPHORI REVTHERI, ACAD. TŸPOGR.

